

AMÓS

(Amú)

Tupana rü tá nanapoxcu i ngêma
togü i nachixüanegü i Iraéuanena
ngaicamagüxü

1 ¹Rü nhaa nixí ga yema ore ga gumá carnérugüarü daruxü ga Amú ga Tecóacüãxmaxã nüxü yaxuxü ga Tupana ga Iraéuanecüãxgüchiga. Rü yema nangupetü taxre ga taunecü naxüpa ga yema ñãxãchiane ga yexguma Uchía Yudáanewa ãëxgacü ixíxgu, rü Yerubuáü ga Yoá nane ãëxgacü ixíxgu ga Iraéuanewa. ²Nüma ya Cori ya Tupana rü ngëxguma yima mǎxpúne ya Chiáü ya Yerucharéü nawa ngexmanewa yadexaxgu, rü naga rü nhama duruanexürüxü nixí. Rü ngëxguma ya yima maxë ya carnérugüchitaxüwa ngëxmacü rü nipagü rü yima maxë ya mǎxpúne ya Carméruwa ngëxmacü rü ta nipagü. ³Rü Cori ya Tupana rü nüxü nixu rü nhanagürü: “Ngêma Damácucüãxgü rü poraãcü chixexü naxügü rü ngëmacax taxütáma íchayachaxãchi nax chapoxcuxü, yerü nüma rü nanadai ga chorü duüxügü ya Yiriáyicüãxgü nhama férumenǎxãmaxã tǎxácü

ipoxürüxü”, nhanagürü ya Cori ya Tupana.

.....

Iraéuanecüãxgüarü poxcuchiga

2 ⁶Rü nhanagürü ya Cori ya Tupana: “Rü pema i Iraéuanecüãxgü rü poraãcü chixexü pexügü. Rü tümamaxã petaxe ya yíxema taxuxüma i chixexü üchiréxe. Rü ngëxgumarüxü ta wüxi i chatatutanüxepüx tümamaxã petaxe ya yíxema ngearü diëruáxe. Rü ngëmacax taxütáma íchayachaxãchi nax pexü chapoxcuxü, Pa Iraéuanecüãxgüx.

.....

¹⁰Rü chama nixí ga Eyítuanewa pexü íchagaxüxü, rü 40 ga taunecü ínachianexügu pexü chigagü nax pexna chanaxãxüçax ga Amurétanüxügüarü naane. ¹¹Rü pemax, Pa Iraéuanecüãxgüx, rü taxuacüma ípeyacux nax petanüwa nüxü chaxunetaxü ga chorü orearü uruügü rü chaugüçax chanade ga nhuxre ga perü ngetüxücügü nax Nacharéügü yixíxüçax rü tama wíu yaxaxgüaxüçax. Rü chama nixí i pemaxã nüxü chixuxü i ngêma. ¹²Notürü yema Nacharéügü rü pema

penamu nax wíu yaxaxgüaxícax. Rü yema chorü orearü uruügü rü nüxna penachuxu nax chorü orexü yaxugüexü. ¹³Rü ngëmacax i chamax rü tá ngúxü pexü chingegüxëxë rü ngëmamaxã tá pexãinetanücüxü nhama wüxi i carétu i trígumaxã ãacuxü rü norü yamaxã ágaxürüxü. ¹⁴Rü woo yíxema ibuxmüxe rü taxuacüma ngëma poxcuchaxwa tibuxmü. Erü yíxema rüporamaechiréxe rü tá tangearü poraãx rü taxúetama tügü ítapoxü woo ya yíxema tama muüxe.”

.....

**Tupanaarü orearü uruüarü
puraçüchiga**

3 ¹Pa Iraéuanecüãxgüx rü Pa Yudáanecüãxgüx ga Cori ya Tupana Eyítuanewa Ígaxüxüx, rü name nixí i guxãma i pemax rü iperüxínüe i nhaa ore i nüma pemaxã nüxü yaxuxü i nhaxü: ²“Dücac, rü natanüwa i guxüma i duüxügü i nhama i naanewa maxëxü rü pexüicatama nixí ga chaxunetaxü nax chorü duüxügü pexígüxücax. Rü ngëmacax yexeraacü tá pexna naxçax chaca i guxüma ga yema chixexü ga pexügüxü”, nhanagürü ya Tupana. ³Rü ngëxguma taxre wüxigu íxgu rü ngëmawa nüxü tacuax nax wüxigu naxínüexü. Notürü i pema rü tama wüxigu chamaxã perüxínüe, rü ngëmacax taxucürüwa wüxigu taxí.

**Nagu tá napogüe ya ñane ya
Chamária**

¹¹Rü nüma ya Cori ya Tupana rü nhanagürü pexü: “Wüxi i to i

nachixüane rü tá pemaxã narixuanü. Rü norü churaragü rü tá pechixüanegu nachocu. Rü tá perü ñanexü ñachomaeguächí. Rü ngëma perü poxüchica rü tá nagu napogüe rü yima ãëxgacüpatagü rü tá nanadeacu”, nhanagürü.

.....

**Rü woo nax napoxcuechiréxü i
Iraéuanecüãx rü tama
inaxínüechaü**

4 ⁷Rü nüma ya Cori ya Tupana rü nhanagürü: “Chama rü tamaepüx ga tauemacü naxüpa nax peyabuxgüxü ga penetü rü pexçaxwa íchayachaxächixëxë ga pucü. Rü wüxi ga ñanewa rü chanapuxëxë rü náí ya ñanewa rü tama. Rü wüxi ga naanewa rü napu rü to ga naanewa rü nipamare yerü nataxuma ga dexá. ⁸Rü duüxügü rü ñanegügu nixígüetanü nax dexáçax nadaugüxü, notürü taxuxüma ga taxü ga dexáxü ñayangaugü nax yemaacü nüxü yangüxücax nax yataxawaexü. Notürü woo yema pexü nax ngupetüxü ga pemax rü tama chauxçax pewoegu. Rü chama i Cori ya Tupana nixí i nüxü chixuxü i ngëma. ⁹Rü buanecü ga naiëmacü rü naweanegü pexçax íchangüxëxë rü yemaacü narünhexgü ga penetügü rü perü úwanecü. Rü munügü nanangöx ga perü figunecü rü perü oríwanecü. Notürü ga pemax rü woo yema pexü nax ngupetüxü rü tama chauxçax pewoegu. Rü chama i Cori ya Tupana nixí i nüxü chixuxü i ngëma. ¹⁰Rü pexçax íchanangugüxëxë ga naweane yexgumarüxü ga Eyítuanecax íchangüxëëgurüxü. Rü chanayexrü ga

perü ngextüxcügü nax perü uanügu daigu nadaixüçax. Rü pexü chayexrü nax perü uanügu yagagüxüçax ga perü cowarugü. Rü pexü chanapaxêê ga yema yueüarü yixexü ga yema pegü ípedaixüwa. Notürü ga pema rü tama çauxçax pewoegu. Rü chama i Cori ya Tupana nixí i nüxü chixuxü i ngêma.

¹¹Rü wüxi ga îãxãchianemaxã chanadai ga nhuxre ga petanüxügü yema Chodómawa rü Gomórawa duüxügüxü chadaixgurixü. Rü pema rü wüxi ga üxü ga marü ixaxü rü íyaxuchixürüxü pexígu. Notürü ga pema rü tama çauxçax pewoegu. Rü chama i Cori ya Tupana nixí i nüxü chixuxü i ngêma.

¹²Rü ngêmacax, Pa Iraéuanecüãxgüx, rü ngêxgumarixü tá pemaxã chanaxü. Rü nhuxmax nax ngêmaäcü tá pexü chapoxcuexü, rü name nixí i pegü pemexêêgü nax ngêmaäcü perü Tupanaxü peyangauxüçax”, nhanagürü ya Cori ya Tupana.

.....

**Tupana nüxna naxü nax naxçax
nawoeguxüçax**

5 ¹²Rü nüma ya Cori ya Tupana rü nhanagürü: “Chama rü nüxü chacuax nax nataxü i perü chixexügü, Pa Æëxgacügüx. Rü ngêma perü pecádugü rü tama inayacuax. Rü ngêxguma duüxügü pepexewa norü guxchaxügü yamexêêgüchaügu, rü yíxema aixcumaxü ixuxe rü tama tüxü ípexínüe notürü nüxü ípexínüe i ngêma diêrumaxã pexü naxütanüxü nax naétüwaama pehogüxüçax. Rü ngêmaäcü i pemax, Pa Æëxgacügüx, rü ngêxma tüxü ípeyanaxoxêê i ngêma

guxchaxü i pexütawa naxçax taxüxü nax tüxü penamexêêxüçax.

.....

¹⁴Rü dücax, Pa Æëxgacügüx, rü name nixí i mexü pexü rü nüxü perüxoe i ngêma chixexü. Rü ngêxguma tá pexü nangexma i maxü. Rü ngêmaäcü tá aixcuma Tupanapexewa pime ngêma pegü pexugüxürüxü, rü chama ya Cori ya Tupana ya guxãétüwa changexmaxü rü aixcuma petanüwa tá changexma”, nhanagürü ya Tupana.

.....

²⁰Rü ngêma ngunexü i Tupana nagu pexü poxcuexe rü wüxi i ngunexü i êanexü tá nixí i pexçax, rü marü taxütama ngóonexüwa pengexmagü. Rü poraäcü tá pexçax nawaanexüchi rü bai i wüxi i taxacürü ngóonexü tá nangexma. ²¹Rü Cori ya Tupana rü nhanagürü pexü: “Chama rü naxchi chaxai rü nüxü chaxo i ngêma taxü i peta i chauégagu pexügüxü, rü tama namaxã chataãê i ngêma perü ngutaquexegü. ²²Rü tama chanaxwaxe i naxünagü çauxçax nax ípeguxü, rü woo i ngêma perü ãmare i trígu rü tama chanaxwaxe. Rü taxütama chanayaxu i ngêma wocaxacügü i ngüexü i çauxçax nax pedaixü nax ngêmamaxã choxü perüngüxmüexêêxüçax. ²³Rü choxna pexígachi namaxã i ngêma perü wiyægü i namaxã choxü penaxocãumarexü! Tama nüxü chaxínügachaü i ngêma perü paxetaruxü i árpagü. ²⁴Notürü ngêma pexü chanaxwaxexü nixí nax guxüguma pemücügümaxã pixaixcumaxü nhama natü i nagoxüchixüechaxürüxü. Rü chanaxwaxe i nhama dexá i chuxchuxü i

taguma gúxüríxũ guxũguma mexũ nax pexiũxũ. ²⁵⁻²⁶Rũ dücax, Pa Iraéuanecũãxgũx, rü yexguma 40 ga taunecũ ínachianexũwa peyexmagũgu, rü tama çaxçaxicatama penadai ga naxũnagũ rü tama choxnaxicatama âmãre pexãgũ. Notürü peyangegũama ta ga yema perü tupananetachicũnãxãgũ ga pematama pexiũxũ ga Chicũ rü perü woramacurichicũnãxã ga Quiyũ nax nüxũ pecuãxũũgũxũçax. Rũ nhuxmax rü ta rü ngẽmaãcü penaxũ. ²⁷Rũ ngẽmacax i chama rü ãne ya Damácuarũ yãxũwa tá pexũ çawogũ. Rũ chama ya Cori ya Tupana ya guxãétũwa ngẽxmacũ nixĩ i ngẽma nhachaxũ. Rũ ngẽma nixĩ i çauéga.”

**Chixexũ naxçax ãnangu i
Iraéuanecũãxgũ**

6 ¹Rũ pegũmaxã pengechaxũgũ, Pa Yerucharéũcüãx! Rũ pema rü perü diêrugu peyaxõ rü petaãxêgũ erü nagu perüxĩnũe rü taxuxũtãma pexũ nangupetũ. Rũ ngẽxgumarixũ ta ãpegũmaxã pengechaxũgũ i pema i Chamãriaarũ ãnãngu yaxõgũxe! Pema rü nagu perüxĩnũe nax nãporaxũ ya yima ãne rü ngẽmacax taxuxũtãma pexũ nangupetũ. Rũ duũxũgũ rü ngẽma ãnearũ ãẽxgacũgũçax naxĩ erü nagu narixĩnũe rü tá ãnanapoxũgũ.

.....

⁴Pema rü pepatagũ ya mexechinewa pepetae rü perü toruxũ i mexechixũgu pecagũ rü ngẽxma perũngũgũ. Rũ ngẽma penangõx i õna i mexechixũ i carnéruxacũmachi rü wocaxacũ i ngüexũmachi. ⁵Rũ perü árpagũmaxã pepaxetãgũ notürü tama pexũ naxuegu.

Rũ Dawíxũ peyadauxũ nax perü paxetarũgũ ãpexiũxũxũ. ⁶Rũ taxũ i pexpãũwa peyaxaxgũ ya wíu, rü pumãra i páacaxũmaxã pegũ pepãacaemãgũ. Notürü tama nagu perüxĩnũe i ngẽma pechixũane nax chixexũgu nanguxũ. ⁷Rũ pexíra tá nixĩ i to i nachixũanewa pexũ nagagixũ i perü uanũgũ nax norü puracũtanixũ pexĩgũxũçax. Rũ ngẽxma tá nayacuãx nax penaxiũxũ i taxũ i perü õna i nawa pecucuxxũ.

.....

**Taxúetãma nawa tinha i
Tupanaarũ poxcu**

9 ¹Rũ nüxũ çadau ga Cori ya Tupana. Rũ nüma rü ngẽma tupananetachicũnãxãarũ âmãrearũ guchicaxũxũtagu nachi, rü nhanagürü choxũ: “ãDaa tupananetãpataarũ çaxtagũ rü nagu napogũ nax yawãxgũxũçax rü ngẽmaãcü duũxũgũétũ nangutaũxũçax i naãxũ rü ngẽxma nayuexũçax! Rũ ngẽma maxẽxũ rü woo yabuxmũgu rü tá çanamu i norü uanũgũ nax tãmaxã nadaiaxũçax. Rũ ngẽmaãcü taxuxũtãma ninha. ²Rũ woo waixũmũarũ ãxmaxũgu yacuxgũgu rü ngẽma tá íchanawoxũama. Rũ woo mãxpũnetãpẽxegu naxĩgũgu rü ngẽma rü tá íchanaxĩgũxẽxãma. ³Rũ woo mãxpũnetãpẽxe ya Carmérugu yanacuxgũgu, rü chama rü tá ngẽxma naxçax çayadauama. Rũ ngẽxguma mãrtãmagu yanacuxgũgu, rü chama rü tá çanamu i naexũ i taxũchixũ i dürãxũ i mãrcũãx nax ngẽxma nagu nawãgũxũçax”, nhanagürü ya Tupana.

.....

⁸Rü nüma ya Cori rü nüxũ nadawenü i Iraéuanecüãxaru ãëxgacügü i chixexũgu ímaxëxũ rü ngëmacax nhanagürü: “Chama rü tá nhaa naanewa ichayanaxoxëxë i ngëma ãëxgacügü. Notürü taxütáma ichayanaxoxëxëchi i ngëma Iraéuanecüãxgü. Rü chama ya Cori ya Tupana nüxũ chixu i ngëma.”
.....

**Tupana tá wena ínanadaxëxë i
Iraéuane nax noxrirüxũ wena
naporaxũcax**

¹¹Rü Cori ya Tupana rü nhanagürü: “Pa Iraéuanecüãxgüx, rü yema pechixũane ga yexguma ãëxgacü ga Dawí namaxã icuãxgu, rü naporaxüchi, notürü i nhuxmax rü nhama wüxi ya ïpata ya rüngutaxünerüxũ nixĩ. Notürü tá nawa nangu i ngunexũ nax wena íchanadaxëxëxũ nax noxrirüxũ wena naporaxũcax. ¹²Rü ngëmaãcü, Pa Iraéuanecüãxgüx, rü pexrü tá nixĩ i ngëma Edóüane i nhuxmax íyaxüxũ rü guxũma i ngëma nachixũanegü ga üpa chorü duũxũgümexëwa chayexmagüxëxëxũ. Rü chama ya Cori ya

Tupana nixĩ i ngëma nhachaxũ, rü chama rü tá chayanguxëxë i ngëma. ¹³Rü ngëma ngunexũgügu rü tá poraãcü nixo i perü trígu. Rü ngëxguma taxüta yagüegu nax penabuxuxũ i perü trígu rü ngëma perü naane rü marü táxaru name nax wena nagu petoxũ. Rü ngëxguma taxüta yagüegu nax penabuxuxũ i perü úwagü rü ngëma perü naane rü marü íname nax perü trígu nagu petoxũ. Rü guxũnema ya yima maxpünegüwa rü ngüchitaeruxũgüwa rü tá narüyáetüxũ i perü úwagü nhama dexárüxũ. ¹⁴Rü chama rü tá wena nachixũanecax chanawoeguxëxë i ngëma chorü duũxũgü i Iraéutanüxũgü. Rü nümagü rü tá nayamexëxë ya yima norü íanegü ga nagu nüxũ napogüene rü yimawa tá namaxë. Rü tá norü úwanecü naxügu rü ngëma úwatüxũ i wíüwa tá naxaxegü. Rü nanetümaxã tá natoegü rü ngëmaarü o tá nangõxgü. ¹⁵Rü norü naanewaxüchi tá chanangexmagüxëxë i ngëma Iraéutanüxũgü, rü tagutáma texé nawa ítanawoxũ i ngëma norü naane i chama nüxna chaxãxũ. Rü chama ya Cori ya Tupana nixĩ i nüxũ chixuxũ i ngëma.”